

# Powšitkowne WOZJEWJENJA

njedźelu, 4. nowembra 2012

## Patronatne kemše w Njebjelčicach

Patronatna Boža mša na swjateho Měrcina budže lětsa pónđzelu, 12. nowembra, w 9 hodź. w Njebjelčicach. Swjedźenske předowanje změje kapłan Daniel Dzikiewicz. Po kemšach móža so wěriwi z relikwiju swjateho Měrcina žohnować dać.

## Mandźelski seminar

Přizjewjenja za seminar k přihotej na mandźelstwo wot pjatka do soboty, 30. nowembra do 1. decembra, w Smochćicach přijimaja so pisomnje hač do pjatka, 9. nowembra, w Dekanatnym dušepastyrstwjje we Worklecach. Dalšej seminaraj budžetej 15. a 16. februara 2013 kaž tež 1. a 2. měrc 2013 tohorunja w Smochćicach.

## Zhromadny dzeń za přenjowoprawjenske dźěći

Dekanatne dušepastyrstwo přeprašuje wšitke dźěći, kotraž so na přenje swjate woprawjenje přihotuja, na zhromadny dzeń srjedu, 21. nowembra, wot 9 do 15 hodź. do Njebjelčic. Započatk je z Božej mšu w cyrkwi. Zajimcy njech so prašu hač do srjedy, 14. nowembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždneho wobdźělnika přinošk, kotryž wučinja tři eura.

## „Hdyž rentnarjo zapřimnu“

Serbska lajska dźiwadłowa skupina Chróscicy z.t. přeprašuje wšitkich zajimcow na přichodne předstajenje swojeje kriminalneje komedije „Hdyž rentnarjo zapřimnu“. Tute budžeja njedźelu, 4. nowembra, w 16 hodź. w Haslowje, sobotu, 10. nowembra, w 19 hodź. w Sulšecach, njedźelu, 18. nowembra, w 16 hodź. w Nowoslicach pola Dinarjec a njedźelu, 2. decembra, w 16 hodź. w Šunowje.

## NoNameSingers spěwaja w Smochćicach

We wobłuku přichodneho zarjadowanja „Smochčanskeho jewišća“ sobotu, 10. nowembra, chce skupina NoNameSingers z Budyšina na swoje dźesaćlětnje wobstaće spominać. Jeje repertoire je jara šeroke: spěwaja popowe twórby a zwaža so tež na comedy. W programje, kotryž započnje so w 19.30 hodź. w Domje biskopa Bena w Smochćicach, skutkuja tež instrumentalisća sobu: smyčkowy orchester z Drježdźan kaž tež skupinje WindART a ThoMar z Budyšina.